



诸佛或说我，或说于无我；

诸法实相中，无我无非我。<sup>1</sup>

诸佛以一切智观众生故，种种为说；亦说有我，亦说无我。

若心未熟者，未有涅槃分，不知畏罪，为是等故说有我。又有得道者，知诸法空但<sup>2</sup>假名有我，为是等故说我无咎<sup>3</sup>。又有布施、持戒等福德，厌离生死苦恼，畏涅槃永灭，是故佛为是等说无我<sup>4</sup>。诸法但因缘和合，生时空生，灭时空灭，是故说无我，但假

<sup>1</sup> 一、《般若灯论释·观法品》云：

为彼说有我，亦说于无我，  
诸佛所证法，不说我无我。

二、《大乘中观释论·观法品》云：

一法如是故，余法亦复然，  
无定意分别，无定故差别。

<sup>2</sup> 但：拼音dàn，〈副〉释义：只，仅，只是：但愿如此。但凡（凡是，只要是）。但分（只要）。

<sup>3</sup> 《大智度论·序品》云：

[云何名各各为人悉檀？观人心行而为说法，于一事中，或听或不听。如经中所说：“杂报业故，杂生世间，得杂触，得杂受。”更有《破群那经》中说：“无人得触，无人得受。”

问曰：此二经云何通？

答曰：以有人疑后世，不信罪福，作不善行，堕断灭见；欲断彼疑，舍彼恶行，欲拔彼断见故，说杂生世间，得杂触，得杂受。是破群邪计有我有神，堕计常中。破群那问佛言：“大德，谁受？”若佛说“某甲某甲受”，便堕计常中，其人我见倍复牢固，不可移转，是以不说有受者、触者。如是等相，名为各各为人悉檀。]

<sup>4</sup> 《入行论释·善说海·智慧品》云：

实我若稍存，于物则有惧，  
既无少分我，谁复生畏惧？

假设畏惧者的我有少许存在，那么对于任何对境产生畏惧也是情理之中的事，如果我一丝一毫也不存在，那么生畏惧者到底是谁呢？





名说有我。又得道者，知无我不堕断灭，故说无我无咎。是故偈中说：

“诸佛说有我，亦说于无我；  
若于真实中，不说我非我。”

问曰：若无我是实，但以世俗故说有我，有何咎？

答曰：因破我法，有无我；我决定不可得，何有无我？若决定有无我，则是断灭，生于贪著。如《般若》中说：“菩萨有我亦非行，无我亦非行。”<sup>5</sup>

问曰：若不说我非我、空不空，佛法为何所说？



诸法实相者，心行言语断，  
无生亦无灭，寂灭如涅槃。<sup>6</sup>

<sup>5</sup> 龙树菩萨于《十住毗婆沙论·地相品》中亦说：

是故我非我，亦我亦非我；  
非我非无我，是皆为邪论。  
我所非我所，亦我非我所，  
非我非我所，是亦为邪论。

<sup>6</sup> 一、《般若灯论释·观法品》云：

为说息言语，断彼心境界，  
亦无起灭相，如涅槃法性。

二、《大乘中观释论·观法品》云：

此所说想法，想即心境界，  
无生亦无灭，如涅槃法性。





答曰：佛说诸法实相。实相中无语言道，灭诸心行。心以取相缘生，以先世业果报故有；不能实见诸法，是故说心行灭<sup>7</sup>。

问曰：若诸凡夫心不能见实，圣人心应能见实，何以故说一切心行灭？

答曰：诸法实相即是涅槃，涅槃名灭，是灭为向涅槃，故亦名为灭。若心是实，何用空等解脱门<sup>8</sup>？诸禅定中，何故以灭尽定为第一？又，亦终归无余涅槃，是故当知：一切心行皆是虚妄，虚妄故应灭。诸法实相者，出诸心数法，无生无灭、寂灭相如涅槃。

<sup>7</sup> 一、《大智度论·天主品》云：

[须菩提所说般若波罗蜜，毕竟空义，无有定相，不可取，不可传译得悟；不得言“有”，不得言“无”，不得言“有无”，不得言“非有非无”，“非非有非非无”亦无，一切心行处灭，言语道断故。]

二、《大智度论·序品》云：

[问曰：若诸见皆有过失者，第一义悉檀何者是？

答曰：一切语言道断，心行处灭，遍无所依，不示诸法，无初、无中、无后，不尽不坏，是名第一义悉檀。如摩诃衍义偈中说：

“语言尽竟，心行亦论；  
不生不灭，法如涅槃。  
说诸行处，名世界法；  
说不行处，名第一义。”]

三、《妙法莲华经·方便品》云：

诸法寂灭相，不可以言宣，  
以方便力故，为五比丘说。

<sup>8</sup> 《大智度论》第二十卷云：

[阿毗昙义中：是空解脱门，缘苦谛摄五众；无相解脱门，缘一法，所谓数缘尽；无作解脱门，缘三谛摄五众。摩诃衍义中：是三解脱门，缘诸法实相。以是三解脱门，观世间即是涅槃。何以故？涅槃空、无相、无作，世间亦如是。]





问曰：经中说：“诸法先来寂灭相即是涅槃”，何以言“如涅槃”？

答曰：著法者，分别法有二种：是世间、是涅槃。说涅槃是寂灭，不说世间是寂灭。此论中说一切法性空寂灭相，为著法者不解故，以涅槃为喻。如汝说涅槃相空、无相、寂灭、无戏论，一切世间法亦如是<sup>9</sup>。

<sup>9</sup> 《中论青目释·观涅槃品》云：

[复次，

涅槃与世间，无有少分别；

世间与涅槃，亦无少分别。

五阴相续往来因缘故，说名世间。五阴性毕竟空、无受、寂灭，此义先已说。以一切法不生不灭故，世间与涅槃无有分别，涅槃与世间亦无分别。

复次，

涅槃之实际，及与世际，

如是二际者，无毫厘差别。

究竟推求世间、涅槃实际无生际，以平等不可得故，无毫厘差别。]

